

Broj:02-05-260-1/18

Sarajevo, 19.03.2018.godine,

Predmet: Informacija

Poštovani,

Shodno programu rada Gradskog vijeća Grada Sarajeva za 2018.godinu, (u skladu sa članom 26. Stav 1, člana 74. Statuta Grada Sarajeva) u prilogu Vam dostavljamo Informaciju o namjenskom korištenju prostora objekta Vijećnice za period od 01.01 – 31.12.2017.godine.


S poštovanjem,

Direktor
Esad Tanović s.r

JP Sarajevo doo



**INFORMACIJA JP „SARAJEVO“ D.O.O.
O NAMJENSKOM KORIŠTENJU PROSTORA VIJEĆNICE
ZA PERIOD 01.01. – 31.12.2017. godine**



Mart 2018. godine



1. PRAVNI OSNOV

Informacija o namjenskom korištenju objekta Vijećnice sačinjena je u skladu sa Programom rada Gradskog vijeća Grada Sarajeva za 2018. godinu, a na osnovu člana 26. stava 1. i člana 74. Statuta Grada Sarajeva.

2. MUZEJSKA POSTAVKA I KANCELARIJSKI PROSTORI

Muzejski dio sa dvije stalne postavke „Vijećnica – još jednom“ i „Sarajevo 1914 -2014“ je smješten u suterenu. U 2017. godini je **obogaćen sadržaj i ponuda** Vijećnice pa su kreirane sljedeće postavke:

- „**Soba savremenika**“ – Soba koja je posvećena istaknutim ljudima našeg vremena koji su kroz svoj dugogodišnji rad u značajnoj mjeri doprinijeli obogaćivanju naše kulture. Svi oni su na svoj način ostavili snažan pečat u svojim branšama, te za to dobili mnoga domaća i međunarodna priznanja. Riječ je o arhitekti Ivanu Štrausu, produkt dizajneru Salihu Teskeredžiću, književniku Dževadu Karahasanu te slikaru Safetu Zecu. U ovom prostoru je moguće vidjeti njihove biografije te saznati nešto više o njihovim djelima. Ideja je da se svake godine promoviraju nova generacija „savremenika“.
- „**Soba 25. Novembar**“ – postavka na drugom spratu od posebne važnosti za sve posjetioce koji žele da saznaju više o historijskom toku bh. Državnosti i ovom bitnom datumu
- „**Franz & Sophie soba**“ – prostorija smještena u prizemlju na putu prema muzejskim prostorijama, a služi kao najava događaja planiranog za ljeto 2018. godine.
- „**Portreti gradonačelnika**“ - na zidovima se nalaze fotografije 33 bivša gradonačelnika Sarajeva, sa njihovim imenima, godinama mandata i kratkim biografijama.

U objektu Vijećnice, kao nacionalnog spomenika sa statusom "dobra u općoj upotrebi", su trenutno smješteni protokolarni Ured Gradonačelnika Grada Sarajeva, JP „Sarajevo“ d.o.o. i prostorije u kojima je planiran Arhiv Haškog tribunala.

3. IZNAJMLJIVANJE PROSTORA I OPREME

JP „Sarajevo“ d.o.o., kao preduzeće osnovano sa ciljem upravljanja, zaštite i održavanja objekata Grada Sarajeva je na osnovu Zakona o javnim preduzećima FBiH (Službene novine Federacije broj: 8/05, 81/08, 22/09 i 109/12) i člana 37. statuta JP „Sarajevo“ d.o.o. je usvojilo Pravilnik kojim se utvrđuju uslovi i način jednokratnog iznajmljivanja prostora i opreme u objektu Vijećnice. Nadalje, Nadzorni odbor je donio na prijedlog Uprave preduzeća aktuelni cjenovnik karata, a on uključuje obilazak unutrašnjosti objekta (aule, prvog sprata i suterena) i razgledanje svih izložbi i postavki koje se u tom trenutku nalaze u Vijećnici.



Osnovni cilj iznajmljivanja prostora i opreme u objektu Vijećnice, naplate naknade za iznajmljivanje prostora i opreme u objektu Vijećnice i naplate karata (ulaznica) je akumuliranje namjenskih finansijskih sredstava za potrebe upravljanja, održavanja i funkcionisanja objekta Vijećnice, kao nacionalnog spomenika sa statusom "dobra u općoj upotrebi".

Pomenutim Pravilnikom je definisano da je iznajmljivanje prostora i opreme u objektu Vijećnice moguće vršiti u svrhu:

- održavanja kulturnih, humanitarnih, naučnih, sportskih i drugim manifestacija i javnih događaja organizovanih od strane državnih organa i tijela, privatnih i javnih kompanija, domaćih i međunarodnih vladinih i nevladinih organizacija, konzularnih predstavništava i ambasada u Bosni i Hercegovini koji su od interesa za grad Sarajevo ili državu Bosnu i Hercegovinu ili služe domaćoj ili međunarodnoj promociji grada Sarajeva, države Bosne i Hercegovine, kao i samog objekta Vijećnice;
- održavanja svečanih dodjela značajnih nagrada, priznanja, odlikovanja kao i organizovanje drugih sličnih prigoda od strane državnih organa i tijela, privatnih i javnih kompanija, domaćih i međunarodnih vladinih i nevladinih organizacija, i konzularnih predstavništava i ambasada u BiH koji su od interesa za za grad Sarajevo ili državu Bosnu i Hercegovinu ili služe domaćoj ili međunarodnoj promociji grada Sarajeva, države Bosne i Hercegovine, kao i samog objekta Vijećnice;
- održavanja promocija, kulturnih, naučnih, obrazovnih i sportskih skupova i simpozija;
- raznih vrsta svečanosti u organizaciji različitih javnih i privatnih subjekata, koji su od interesa za grad Sarajevo ili državu Bosnu i Hercegovinu ili služe domaćoj ili međunarodnoj promociji grada Sarajeva, države Bosne i Hercegovine, kao i samog objekta Vijećnice;
- ceremonija svečanog sklapanja braka pred nadležnim državnim službenikom (matičarom) općinskog organa uprave.

Izričito je zabranjeno iznajmljivanje prostora i opreme u objektu Vijećnice protivno namjeni, prirodi, kao i domaćem i međunarodnom značaju objekta Vijećnice, kao i u svim slučajevima koji mogu dovesti do fizičkog oštećenja enterijera i eksterijera objekta i na bilo koji način ugroziti njenu historijsku, građevinsku, estetsku i kulturnu cjelovitost i vrijednost, kao nacionalnog spomenika.



4. VIJEĆNICA U 2017.

U 2017. godini u Vijećnici su održane sljedeće manifestacije i događaji:

NAZIV
JANUAR
Koncert Gudačkog orkestra Muzičke akademije
Balkan Foto Fest - Svečanost otvorenja festivala i dodjela nagrada (fotografija.ba)
FEBRUAR
Promocija mobitela brenda NOA
Dani iranske kulture – svečano otvorenje i izložba radova iranskih umjetnika
Sjednica povodom revizije tužbe BiH u Hagu
MART
Svečana sjednica povodom Dana nezavisnosti BiH
Promocija romana "Sokolarov sonet" Irfana Horozovića u Vijećnici
Prezentacija izgradnje hotela grupacije AccorHotels u Tarčinu
Rose-Roth seminar Parlamentarne skupštine NATO-a
APRIL
Proslava 50. godišnjice poslovanja kompanije Oriflame
Svečana sjednica povodom Dana grada Sarajeva i dodjela Šestoaprilske nagrade
6. Sarajevo International Guitar Festival
Snimanje promotivnog spota za Austrijski bal
Press Konferencija povodom Austrijskog bala
MAJ
Izložba "Između fašizma i antifašizma: u 11 činova"
Obilježavanje 20 godina poslovanja UNIQA osiguranja u BiH
Obilježavanje 10 godina notarijata u BiH
Kongres Evropske federacije stomatologa
23. Sarajevske večeri muzike (4 koncerta u okviru festivala)
Prvi Austrijski bal
Prijem za učesnike 8. Sarajevo Business Foruma
Prezentacija Hotela - Swissotel
Izložba „Plečnikova Ljubljana“
Koncert - Zejd Šoto
JUNI
Promocija knjige i koktel u organizaciji Amb. Španije
JULI
Izložba Mersad Berber „Alegorija Bosne“
Izložba fotografija povodom godišnjice pokusaja drzavnog udara u R. Turskoj



Ceremonije svečanog sklapanja braka
AUGUST
Muslimansko – jevrejska konferencija
Svečano otvorenje izložbe, povodom Svjetskog humanitarnog dana, izložba fotografija Malla Ibrahima
Svečano otvorenje izložbe "Dani kulture Istanbula"
Prijem u Vijećnici povodom obilježavanja 25.8.2017.- dan paljenja Vijećnice. (25.8.1992.)
Dani otvorenih vrata
SEPTEMBAR
10 godina poslovanja u BiH CMS - Reich-Rohrwig Heinz d.o.o. Sarajevo
Promocija slikovnice za odrasle - Narcisa Turković
Izložba Sandžačkih umjetnika - SULU
Jubilej primadone Zečević Buljubašić
DISKRIMINACIJA /simulacija violončeliste Vedrana Smajlovća
Svečana akademija "Dan Bošnjaka" // Koktel
OKTOBAR
Donatorski sastanak ICTY
Prijem - UniCredit Bank
Sarajevski dani poezije
Gala Večer - Festival turizma - Prijem u Vijećnici
Međunarodna konferencija „Važnost mjesta“ - Arhitektonski fakultet
Međunarodna studentska konferencija ELSA - Svečano otvorenje
Parlamentarna skupština FRANKOFONIJE
Nacionalni dan - Amb. Austrije
Održavanje kamernog koncerta Sarajevske filharmonije sa solistom Sakibom Lačevićem - flauta
NOVEMBAR
Gala večera – Qatar Airways
Press konferencija Zdravko Čolić Čola – Novogodišnji doček
Snimanje DOKUMENTARCA O DONACIJAMA EU – sa Ambasadorom Lars-Gunnar Wigemarkom
Sjednica Gradskog vijeća
DECEMBAR
Promocija knjige “Dogovor je pobjeda”
Svečana večera i prijem za istaknute državnike
Džeko Hodžić – Svečano otvorenje izložbe i promocija knjige “Apokalipsa”
Obaranje Guinnessovog rekorda u najmnogoljudnijem sviranju klavira
Sjednica Gradskog vijeća

Iz priložene tabele je moguće vidjeti da je realiziran značajan broj aktivnosti koje su doprinijeli povećanju same ponude za posjetioce Vijećnice. Neke od izložbi koje su posjetioci imali priliku pogledati i koji su obilježili 2017. godinu su: **Prva posthumna retrospektivna izložba slika Mersada**



Berbera "Mersad Berber - Alegorija Bosne" koja je već okarakterisana kao jedan od najznačajnijih kulturnih događaja u zemlji u 2017. godini; „Humanost prije svega – Odgovor pokreta Crvenog križa/krsta i Crvenog polumjeseca na situaciju u Siriji i Balkanu“ u saradnji sa Crvenim križem FBiH; „Dani kulture Istanbula“ koja je realizovana u saradnji sa Gradskim upravama Sarajeva i Istanbula itd. Također, jedna od novina koja je realizirana u Vijećnici i imala je veliki odziv i medijski značaj je Prvi Austrijski Bal. 12.12.2017. godine sa početkom u 12:00 h je **oboren i Guinnessov rekord** u najmnogoljudnijem sviranju klavira. Od novembra mjeseca 2017. godine sjednice Gradskog vijeća se opet održavaju u Sali gradskog vijeća u Vijećnici.

Ono što je okarakterisalo 2017. godinu jeste i konsolidacija situacije zatečene u Vijećnici, te su značajni resursi utrošeni na odabiru dobavljača usluga za **zadovoljenje zakonskih potreba pregleda i servisa tehničko-tehnoloških sistema** u objektu, kako bi se izbjegla opasnost da objekat bude zatvoren uslijed neispunjavanja zakonskih normativa.

5. POSJETE I RADNO VRIJEME

Vijećnicu je u toku 2017. godine posjetilo više od **50.000 posjetilaca** i samim tim je ovaj kulturno-historijski objekat na jednom od vodećih mjesta po broju posjeta u Sarajevu. Preduzeće je prilagodilo radno vrijeme objekta Vijećnice turistima i to tako da u toku ljetnog perioda Vijećnica radi svaki dan od 10:00 do 22:00 sata, a u toku zimskog perioda objekat je otvoren svaki dan od 09:00 do 18:00 sati. Ovo radno vrijeme je određeno nakon analize broja posjeta i potrebnih resursa.

Politika JP „SARAJEVO“ d.o.o. je da otvorenost Vijećnice za socijalne osjetljive kategorije ostvarujemo kroz niže cijene ulaznica (učenici, penzioneri, invalidi), te kroz projekte "otvorenih vrata". Tako su u periodu od 25. do 27.08.2017. godine održani **Dani otvorenih vrata**, a koji su organizovani u saradnji sa Kantonalnim ministarstvom kulture i sporta, kada je za tri dana Vijećnicu posjetilo preko **4.500 posjetilaca**.

Esad Tanović s.r.

Direktor JP „SARAJEVO“ d.o.o.